

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
-Općinski načelnik-**

Broj: 07-4783-3/17

Datum, 03. 04. 2018. godine

Općinski načelnik općine Srebrenik na osnovu člana 68. stav (1) i člana 72. stav (3), tačka b), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), na preporuku Komisije za javnu nabavku broj: 07-4783-3/17 od 03.04.2018. godine d o n o s i:

## **O D L U K U**

### **I**

O d b a c u j e se ponuda ponuđača **BBM DOO Sarajevo**, ponuda broj: 855/18 od 15.03.2018. godine kao neprihvatljiva u postupku javne nabavke **Geomehanička ispitivanja tla i izrada Glavnog projekta sanacije za potrebe sanacije klizišta “Lisovići” u Lisovićima, općina Srebrenik** objavljenu na Portalu javnih nabavki, obavještenje o nabavci br. 761-7-2-35-3-26/18 od 07. 03. 2018. godine.

### **II**

D o d j e l j u j e se ugovor prihvatljivom ponuđaču Institut za zaštitu, ekologiju i obrazovanje DOO Tuzla, ponuda broj: 201-P-V/18 od 16.03.2018. godine, u ukupnom iznosu od **8.950,50 KM (sa PDV-om)**.

### **III**

Stavlja se van snage Odluka o izboru najpovoljnijeg ponuđača broj: 07-4783-3/17 od 22. 03. 2018. godine.

## **OBRAZLOŽENJE**

Na osnovu Konkurentskog zahtjeva broj: 07-4783-3/17 od 06. 03. 2018. godine, objavljenom na Portalu javnih nabavki, obavještenje o nabavci br. 761-7-2-35-3-26/18 od 07. 03. 2018. godine, proveden je postupak prikupljanja ponuda za javnu nabavku *Geomehanička ispitivanja tla i izrada Glavnog projekta sanacije za potrebe sanacije klizišta “Lisovići” u Lisovićima, općina Srebrenik*.

Ponude po Konkurentskom zahtjevu za predmetnu nabavku su dostavili slijedeći ponuđači:

- 1. Institut za zaštitu, ekologiju i obrazovanje DOO Tuzla**, u ukupnom iznosu od **7.650,00** KM bez PDV-a, i
- 2. BBM DOO Sarajevo**, u ukupnom iznosu od **6.950,00** KM bez PDV-a.

Pregledanjem ponuda ponuđača **Institut za zaštitu, ekologiju i obrazovanje DOO Tuzla i BBM DOO Sarajevo**, Komisija je u zapisniku o pregledu i ocjeni ponuda broj: 07-4783-3/17 od 22. 03. 2018. godine konstatovala da su iste potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

U tački 2.2. predmetnog konkurentskog zahtjeva ugovorni organ je propisao da je izabrani ponuđač dužan dostaviti rješenje najkasnije u roku do 10 dana od dana prijema odluke o izboru najpovoljnijeg ponuđača o ispunjavanju uvjeta za bavljenje registriranom djelatnošću iz oblasti geologije izdato od strane Federalnog ministarstva energije, rudarstva i industrije.

Nadalje je u istoj tački propisano da nedostavljanjem predmetnog rješenja ugovorni organ će odbaciti ponudu ponuđača kao neprihvatljivu, te će dostaviti prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača.

U tački II dispozitiva Odluke o izboru najpovoljnijeg ponuđača broj: 07-4783-3/17 od 22. 03.

2018. godine je propisano da je izabrani ponuđač dužan u roku do 10 dana od dana prijema ove odluke, dostaviti rješenje o ispunjavanju uvjeta za bavljenje registriranom djelatnošću iz oblasti geologije izdato od strane Federalnog ministarstva energije, rudarstva i industrije.

Ponuđač **BBM DOO Sarajevo** je dostavio dana 29.03.2018. godine rješenje broj: Up/I broj: 04-312-5903/96 od 10.01.1997. godine Federalnog ministarstva energetike, rudarstva i industrije.

Isto rješenje je ponuđač dostavio i u svojoj ponudi na stranama 15 i 16 ponude broj: 855/18 od 15.03.2018. godine, pa je Ugovorni organ, obzirom na datum izdavanja predmetnog rješenja, uputio dopis broj: 07-4783-3/17 od 22. 03. 2018. godine Federalnom ministarstvu energije, rudarstva i industrije sa upitom da li se na osnovu dostavljenog rješenja ponuđača **BBM DOO Sarajevo** može smatrati da isti može, uz ispunjavanje drugih uslova, obavljati geološke istražne poslove u smislu Zakona o geološkim istraživanjima FBiH.

Federalno ministarstvo energetike, rudarstva i industrije je u svom odgovoru broj: 06-18-660/18 od 26.03.2018. godine navelo da „u skladu sa Zakonom o geološkim istraživanjima Federacije BiH, rješenje Up/I broj: 04-312-5903/96 od 10.01.1997. godine privrednog društva „**BBM d.o.o. Sarajevo** ne može se smatrati dokumentom kojim se dokazuje da privredno društvo ispunjava uslove za obavljanje registrovane djelatnosti iz oblasti geoloških istražnih radova”.

U skladu sa gore navedenim, te u skladu sa članom 68. stav (1) Zakona o javnim nabavkama, Komisija predlaže da se ponuda ponuđača **BBM DOO Sarajevo** odbaci kao neprihvatljiva, te predlaže Općinskom načelniku da stavi van snage Odluku o izboru najpovoljnijeg ponuđača broj: 07-4783-3/17 od 22. 03. 2018. godine, i da u skladu sa članom 72 stav 3. tačka b) Zakona o javnim nabavkama dodijeli ugovor ponuđaču **Institut za zaštitu, ekologiju i obrazovanje DOO Tuzla** u iznosu od **8.950,50 KM (sa PDV-om)**, a što je i prihvaćeno.

#### **POUKA O PRAVNOM LIJEKU:**

Protiv ove odluke može se izjaviti žalba u roku od 5 (pet) dana od dana prijema odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom. Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



**OPĆINSKI NAČELNIK**

Dr.sc. Nihad Omerović